

DISPUTATIO POLITICA
PRIMA,

8
DE
NATURA ET
CONSTITUTIONE
POLITICES IN GE-
NERE.

Quam
Dirigente Jehovah,
In Regia Academiâ Dorpatensi ad Embeccam
Exhibet

M. JOHANNES ERICI

Stregnensis Svecus,

BIBLIOTHECA
UNIVERSITATIS
TARTUENSIS

Respondente
PETRO TROTTONIO,
Smoland.

1533. 1017.

Ad diem 4. Aprilis in Auditorio majori,
horis usitatis.

DORPATI LIVONORUM, Typis Acad.
Anno M. DC. XL.

A50748

ILLVSTIBVS ET GENEROSISSIMIS
DOMINIS,

DN. CHRISTIERNO / Horn L. Baronibus
DN. BENEDICTO / in Aminne / Dominis in Wisthus & Ekel-
nora / &c. Dominis suis Gratiolis;

Nec non

Nobiliss. Consultiss. multo rerum usu & experientia Prudentiss. Reve-
rendis. Praestantiss. & Humaniss. Dominis.

Dn. ENGELBERTO de Mengden/ S. S. Regiae Maj. Svec.
per Livoniam Commissario;

Dn. PETRO. LARSON/ Cancellaria Regiae, quæ Dorpati
est in Livonia, Secretario;

Dn. JOACHIMO GERLACHIO, Reipub. Dorpaten-
sis Secretario; nec non Regij supremi Judicij
Advocato;

Dn. WILHELMO Niemeyer/ per Livoniam Apologista;

Dn. MAGNO ANDREÆ LALLERO, Ecclesiae Chri-
stiane, quæ in Wando colligitur, Pastor;

Dn. JOHANNI GREECE, Proto-synedrij Secretario;

Dnn. suis Mecenatibus, Promotoribus & Fautoribus
submisso, reverenter & officiose colendis,

Hoc exercitium Academicum in debita observantia
& Honoris arrham inscribit, dat & consecrat,

Petrus Trottonius Resp.

Est. 44062

DISPUTATIO PRIMA,
DE
NATVRA ET CONSTITUTIONE
POLITICÆ.
THERESIS 1.

In Politicâ nulla Respublica, nulla hominum so-
cietas benè constitui ac conservari potest inquit Al-
sted, Syst. Pol. 2. c. 1.

2. Politica enim homines ab agresti vita pri-
mitus abduxit, & in unum locum congregavit, ac
ut honestam, justam, tranquillamq; vitam inter
se agerent, leges civiles condidit, ac judicia instituit.

3. Et Nazianz. ait, mihi videtur esse ars artium & discipline
disciplinarum hominem regere.

4. Politica disciplina Architectonica dicitur Aristoteli. Etho.
Nic. c. 2. ceterisq; omnibus antecedere ac praescribere quatenus &
quomodo in Republicâ sint excolenda.

5. Ex quibus liquidum evadit politicæ magnam esse dignita-
tem, præsertim cum non solum privatum respiciat commodum,
sed publicum & omnium civium, quod est ēν τῷ εὐ καλῶς ζῆν.
Hujus igitur nobilissimæ disciplinæ naturam sub disputationis in-
cidem jam revocare est animus, ut, ita ejus generali constitutio-
ne perspectâ atq; cognitâ diligentius & facilius in ejusdem præce-
pta inquirere, ac secundum illa agentes, summam felicitatem al-
sequi possimus.

6. Ut autem ordine procedamus, quatuor jam nobis con-
sideranda venient, Definitio, Subjectum, Causæ & Methodus.

7. Definitio h̄c ut in alijs Scientijs occurrit duplex, Nomina-
lis & Realis.

8. Nominalis in se tria continent 1. Etymologiam vocis Politicæ

qua potest esse i. *immediata*, quod *Politica* descendat $\Delta\sigma\tau\delta$ το $\lambda\theta\tau\delta$ à Cive, vel δι $\delta\tau\delta$ τη ς πολι ς σίας à Repub. hujus disciplina fine interno; quia certum regnum in civitatem, qua à Civ. plerumq; Republica nominatur, introducit. Hinc etiam dicuntur πολι ς σίας πε $\nu\zeta$ εις *Civiles actiones*: item οἱ πολι ς σίοι homines, qui in Reipub. administratione recte versantur, aut hāc civili scientiā p̄ae- dii sunt, ut loquitur *Gel.* in quest. *Pol.*

9. 2. *Mediata* δι $\delta\tau\delta$ τη ς πολι ς σίας à Civitate, primario subjecto tractationis, quando tradit p̄cepta, quomodo civitas legibus honestis regenda, ordinanda & conjangenda sit.

10. II. Homonymiam, qua ostendit vocem Politices accipi ad (a) *improprietate & abusive*, quomodo hoc tempore à vulgo Politici dicuntur illi, qui in conversatione cum alijs possunt se accomodare locis, temporibus & personis, quiq; amicē, & decorē cum hominibus conversantur. Qui quidem laudandi, cum neminem offendant, aut molesti sint, sed potius grati & jucundi omnibus: interim non Politici, sed potius Polici nominandi sunt, de quibus nulla p̄cepta in disciplina Politica traduuntur. *Keckerm. Syst. Pol.* 1. c. 3.

11. [b] *Propriū*, & ita ab Aristotle & Platone vīcissim duplīciter usurpatur 1. *Late ual' ἐξοντν* pro totā Philosophiā Præctica accipitur, qua omnes omnium actiones in civitate gubernat, sicut eam accipit Arist. 1. Ethic. c. 2, dum eam δέχαται τούτην καὶ κυριώτερην appellat. Item lib. 1. M. M. c. 1. Sic Plato in Dialogo Politico in hāc significatione definit Politicam, quod sit *scientia qua omnes actiones gubernantur & curam gerit legum, omniumq; eorum qua ad civitatem pertinent*.

12. 2. *Stricte* pro eā Philosophiā Præctica parte, qua ab Ethicā & Oeconomicā est contradistincta, quaē tradit rationem administrandę Reipub. civilem societatem bene conformat, leges p̄scribit, ac conatur bonum efficere cīvem. Arist. 1. Econ. c. 1. qua significatio est hujus loci.

13. III. *Synonymiam*, *Politica* alio nomine vocatur *Prudentia*, prout prudentes dicuntur, qui multarum rerum Politicarum usq; p̄stant.

14. Dicitur item *Doctrina cīvili*, πολι ς σίη πε $\nu\zeta$ εια, *Civilis tractatio*; item ή τε πολι ς σίη τέχνη, βασιλική Regia, sc. dūcauius per excellentiam à statu Regio; item ή τε πολι ς σίη dūcauius.

35. De-

15. Definitio Realis ex lib. 6. Ethic. Nic. habetur, quod *Politica* sit *Prudentia Rempub. in civitate benē constituendi, constitutamq; conservandi & beatitudinis cīvili consecutionem*.

16. Cicero lib. 1. de Nat. Deorum inquit, *Politica est Prudentia recte administrandi Remp. ut homines in eā recte beateq; vivere possint.*

17. Definitio in Genus & Differentiam si resolvatur, Genus erit *Prudentia*, prout ex authoritatibus modo citatis liquet.

18. Potest idem etiam ratione triplici probari, & i. quidem à definitione prudentiæ, quaē 6. Ethic. Nic. c. 5. proponitur, quod *prudentia sit habitus, cum rectâ ratione consultandi & agendi ex qua homini per universam vitam sunt bona vel mala*. 2. à Prudentis munere seu officio, quod Plato esse dicit sibi ipsi, Reipub. & Civitatis, in quā quis vivit, posse bene consulere. Hinc Cic. 1. offic. cit actionem prudentiæ maxime cerni in hominum commodis tuendis. 3. à sufficienti habitu um intellectualium enumeratione. Nam *Politica* neq; est Sapientia, neq; Intelligentia, neq; Scientia, cum hi sint habitus contenti plati, circa res necessarias occupati; *Politica* verò est habitus practicus, non quidem effectivus ut ars, sed activus ut prudentia.

19. Est autem Prudentia hāc tanquam Domina omnium, dirigens, determinans & eligens media, per qua finis in subjectum introduci potest: Est dux & moderatrix vita cīvili, omniumq; actionum, qua ad eam ritē ineundam & peragendam requiruntur: Leges instituit, ut his tanquam aureis frānis homines in gyrum recte rationis ducantur, & suavissimo illi disciplinæ subjiciantur.

20. Absit jam ut cum ijs faciamus, qui in fraudibus, dolos, technis, simulatione, dissimulatione omne punctum Prudentiæ positum esse volunt.

21. Dicit enim Arist. 6. Ethic. Nic. veram prudentiam Politicam nihil aliud esse, quam virtutum Ethicarum in conversatione cīvili usum & praxin: Eundemq; verum esse Politicum, qui sit vir bonus atq; in Repub. optimus. Unde recte dicit Comicus, *Prudentia ad malitiam non abutitor*.

22. Hinc Arist. 6. Eth. c. 4 prudenter tanquam socras adjungit, non dolos, non frādes, sed 1. εὐθύνias, 2. εὐεσθ, 3. γνῶση.

A 3

Neg

inde
Neq; enim facienda sunt mala ut eveniant bona. Legatur quoq;
Keikerm. lib. 1. Syst. Pol. c. 3. p. 103.

23. *Differentia sumitur 1. ab Objecto, quæ est civitas, ut recte statuit Thon as Aquin. Joha. Casu in Sphera Civitatis lib. 1. c. ult.*

24. 2. Sumitur differentia à fine Politices, eoq; duplice [a] *Interno*, quæ est Respub. bene constituta, uti patet ex lib. 1. Pol. Arist. c. 2 lib. 3 c. 6. lib. 4. c. 4. & Rempub. constitutam bene administrare, ita ut ipsa civitas beata sit, & omnis in eā populus, prout Cis. 2. de legib. inquit, *Salus populi summa lex esto.* Confer Keikerm. in præcogniti Politici p. 22.

25. (β) *Externo*, quæ est éudæuovia πολιτική felicitas ci-
viles quæ vult administrari & conservari Rempubl. ut cives pos-
sint inter se tranquillè, amicè, h. e. bene beateq; vivere Gol. in
quæst. Pol.

26. Subjectum Politicæ est triplex, *Inhæsionis*, *tractationis* seu *Explicationis* & *Operationis*.

27. Namq; Politica accidens est, hinc requirit subjectum. Inhæsionis, cui nempè inhæreat. Præterea cum certa quædam sit disciplina, habebit subjectum tractationis, quod in eā principaliter tractetur. Tandem est cum additamento disciplina practica, unde suo jure postulat subjectum operationis.

28. Sic Subjectum inhæsionis est mens humana, quæ per normas Politicas dirigitur ad boni civilis actionem.

29. Aliás si magis perspicue loqui voluerimus, dicimus præcepta Politica informare intellectum prīmō, id est, imbuunt illum cognitione rerum Politicarum: voluntatem verò informant pri-
mariò, h. e. pariunt affectum, quo duce bonum Politicum procuratur. Atq; hæc dicitur cognitio affectiva, quæ reddit Politicum pragmaticum. Huic opponitur cognitio nuda, quæ reddit politi-
cum planè Theoreticum. Alsted. pol. c. 2.

30. Subjectum Explicationis est imperium & subjectio, seu mo-
dus imperandi & parendi. Est siquidem Respub. Regis & gregis vinculo legis colligata, & ad publicum bonum disposita unio.

31. Subjectum Operationis seu Objectum est Civitas, seu societas ci-
viliſſ. Nam civitatem ubiq; habuit Philosophus pro ob-
jecto Rerum publicarum, & per consequens totius politice. 1. O-
gon. 6. 1.

32. Civitas quoq; latissimè omnium in hâc Scientiâ diffun-
ditur, quia proprietates de illâ, ut de subiecto suo demonstrantur.
Omnia quæ in hâc Scientia tractantur, ad eam solam reducuntur.
Idem enim constituit materiam disciplinæ practicæ, cui ultimus fi-
nis inducitur. Namq; ut in medicinâ est corpus humanum à mor-
bis liberandum in quantum sanari potest. In Ethicâ est animus
hominis, qui virtutis actione perficitur: sic in Politicâ est Civitas,
circa quam gubernandam & administrandam tota versatur.

33. Causæ Politices sunt duplices, *Externæ* & *Internæ*.

34. Externæ sunt *Efficiens* & *Finis*.

35. Efficiens duplex, *Universalis* vel *Particularis*.

36. Universalis est Deus ter Opt. Max. Deus enim est politi-
cæ author, cùm ratione Originis, dum dat Reges, transfert & stabi-
lit regna, tanquam unicus Dominus & Monarcha absolutissimus:
tum ratione autoritatis, quia Deus armat rectores populi Majestate.

37. Causa particularis politicæ est vel *Principalis* vel *minus* *principalis*.

38. Principalis causa sunt homines Politici, prout com-
mendatur Moses autoritate pollentissimus, Minoës Cretensis, Ly-
curgus Lacædæmoniorum Legumlatores, Socrates, Plato, Ari-
stoteles, & alij, qui politica præcepta scripserunt.

39. Minus principalis causa politices similiter duplex, *impul-
siva* & *quasi instrumentalis*.

40. Impulsiva est ratio hominis eum impellens ad societa-
tem civilem; prout Arist. 1. Pol. 2 & 3. Pol. 4. hominem vocat natu-
râ animal politicum, quod conversatione gaudet: Ac eum, qui
extra societatem vivit, dicit aut deteriorem esse, aut meliorem
esse homine, ut sit vel Deus, vel Bestia.

41. Hic pertransgressionem quasi lubet exponere proximam
& primariam congregationis humanæ seu civilis societatis causam,
quam in ipsius naturæ instinctu & propensione consistere affir-
mat Arist. 3. Pol. 4.

42. Quoniam homo duce ipsâ naturâ animal magis ad civi-
lem congregationem aptum, quam ullum aliud animal eorum, quæ
simil vivunt & pascuntur, veluti sunt apes, formicæ, grues, co-
lumbæ & similia animalia, quæ propterea à Græcis αγελαῖα no-
minan-

minantur nam ut Cic. lib. 2. de finib. loquitur, congregatiōne cātūra
quodammodo civitatis immitantur.

43. Idem à sermone, qui homini à naturā datus est, apparet.
Si enim natura ordinasset, ut solitariē quis viveret, ei sanē super-
vacanens esset sermo. Natura autem nihil facit frustra.

44. Ipsa quoq; indigentia seu expedientia ratio idem dicitat.
Ita videmus urbem esse conditam, ut esset præsidium & arx ad-
versus omnis generis injurias. Et hoc est quod Politici dicunt,
utilitatis in hominum cætibus & adjuvandis & conservandis, ma-
gnam esse vim, adeò quidem, ut illâ sublatâ, aut non fieri, aut
certè non diu perdurari possit Politia.

45. Multiplex etiam vitæ communis miseria hoc ipsum-
ostendit: prout hanc rationem quotidiana experientia, ut & tota
hominis ætas roborat ac confirmat. Quâ de re Alth. c. 1. sua Pol. pul-
crè ita loquitur: Quando nascitur homo, omni auxilio est destitutus, nudus
& inermi, quasi ex naufragio in hujus vita erumnas ejicatur, vitam miserri-
mam à fletu & lacrimis auspicatur, omnī consilij & auxiliij inops, sibi sub-
venire nequit, nisi alio interveniente & juvante. Quin nec in adultâ ætate
omnia necessaria vita subsidia suâ solùm industria, suiq; viribus potest parare.
Nemo enim hominum sibi sufficit ad benè vivendum, sed usū & ministerio ali-
orum omnes indigent.

46. In h's t̄ymē omnibus separanda est causa principalis à
secundariâ, accidentalis à causâ per se, posterior à priori. Quod
in hoc negotio eleganter explicat Cic. lib. 2. offic. circa finem. Etsi du-
ce naturā congregantur homines, tamen spe custodiendarum rerum suarum præ-
fidae urbis querabant. Sicut apes congregantur, non ut favos faci-
ant; sed cum naturā coēunt, favos faciunt; sic postquam coē-
runt homines duce naturā, tum demum verterunt studia sua ad
vitæ necessaria comparanda.

47. Hinc Dang. 1. Pol. Christ. c. 3. has causas congregationis
humanæ, scilicet naturæ ductum & necessitatem sive indigentiam
conjungit. Et Plato lib. 3. de ll. & 2. de Repub. principium politiarum
ad necessitatem refert. Aristoteles vero nullibi docet utilitatis
alicuius intuitu (tanquam causâ proximâ) homines primū anim-
um appulisse ad congregationem civilem, quin potius sententi-
am Platonis 4. Pol. 4. rejicit. Et 3. Pol. 6. 4. ait: Cum homo sit animal

civile

civile naturâ, etiam si nihil aliorum auxilio egeret, nihilominus conviduum ex-
peteret. Hinc benè dixit Thomas 4. Pol. 6. 4. Non est civitas gratiâ ipsi-
us vivere absolute; sed gratiâ ipsius benè vivere.

48. Concludimus itaq; primariò ex intentione & dispositione
naturæ originem politicæ humanæ, non aliunde accersendam esse,
quam abs honestate & instinctu naturæ, quoniam etiam si absq; ali-
js causis esset, adhuc cōirent homines in societatem, ut ait Arist.
3. Pol. 4.

49. Jam liquet vim & cupiditatem imperandi non esse cau-
sam efficientem societatis civilis, ut nonnulli opinantur, quod pro-
bant exemplo Nimrodi. Verum confundunt illi Politiam seu Rem-
pub. cum imperio quo illa administratur. Nam imperij causa effi-
ciens potest interdum esse vis & cupiditas imperandi. Ita Nimrod
non fuit primus author Reipub. sed fuit primus author imperij ty-
rannici. Ante Nimrodum fuit quidem imperium Politicum, sed
ille cœpit supra usitatum morem emergere ac imperium Politicum
seu civile commutavit in despoticam seu herile, quod includit gi-
morem servilem, & degenerat in tyrannidem.

50. Non enarrabimus jam aliorum sententias, dum quidam
Eloquentiae, Musicæ beneficio, Miraculorum prodigo, vel casu
quodam fortuito, societates humanas extitisse fingunt: Alij ecclis.
aërisq; inclemenciam, vel metu, injuriarum, vel alio vitæ solitariorum in-
commodo, homines ad congregationem venire putant.

51. Causa quasi instrumentalis Politices potest constitui tri-
plex: 1. Multarum rerum experientia. 2. Conversatio cum sapientibus. 3. Af-
ficia historiarum lectio.

52. Certè multarum rerum experientia ad politicam consti-
tuendam est instrumentum sumere necessarium. Illa namq; est
prudentia præcipua causa efficientis, ut loquitur Arist. 6. Eth. Nic. 8.
Quia civilis prudentia, quæ rerum singularium est, non nisi longo
temporis usu comparatur. Hinc sic, ut ij, qui in quotidiana vita,
hominum conversatione, & privatis actionibus benè sunt versati,
possint etiam deinde eō commodius publica administrare nego-
cia, ita ut communis prudentia, quodammodo ex privatâ pruden-
tiâ sit comparanda.

53. Huc refertur non incommodè Apodemica, quæ docet ya-
rias Rerumpublicarum imagines oculis subjicere.

54. Causa instrumentalis altera est conversatio cum sapientibus, quā animos induimus honestos, pravosq; revocamus ad rectum.

55. Namq; à viris bonis, bona disces, à turpibus discantur acta turpia.

56. Ultimū requiritur assidua Historiarum lectio; est enim effe Cis. de Oratore, Historia testū temporum, lux veritatis, nuncia vetustatis, Magistra vitæ. Faciunt Historiae, ut nostras Respublicas in concinnum ordinem redigamus, bonis legibus ornamus, & ruinam ex aliorum exemplis præcaveamus.

57. Causa externa altera est finis, qui vel universalis vel particularis.

58. Universalis est gloria Dei, quam in omnibus disciplinis presupponimus.

59. Particularis finis rursus duplex est, Internus & Externus.

60. Internus non est alius, ut diximus, quam Respub. & quidem ab Aristotele anima civitatis dicitur, quippe sine quā civium vita constare sibi nequaquam potest.

61. Externus finis est duplex, Primarius & Secundarius.

62. Primarius est euādūmōia πολιτεία Summum Bonum Politicum, scilicet non consideratum absolute & generaliter, prout in Ethicis potissimum definitur, sed cum respectu ad cīvēm, propter quem ista felicitas spectatur.

63. Finem hunc in Politica ponit Arist. 7. Pol. tribus primū Cap. in generali felicitate, quem etiam in lib. 1. & 10. Eth. latè explicat: eamq; felicitatem intelligit in definitione civitatis 3. Pol. 6. quam institutam inquit, Virū perfectā & per se sufficientiā gratiā. Item i. Pol. c. 3. Societas ait, quae ex pluribus pagi conficitur, Civitas est, quae quidem totius sufficientia finem habet. Item 3. Pol. c. 5. Civium, licet i. inter se sint dissimiles, finis est salus communitatēs.

64. De hoc fine & scopo Cis. 5. de Repub. ita scribit; ut gubernatori cursus secundus, medico salus, imperatori victoria; sic huic moderatori Reipub. beata civium vita proposita est: ut opibus firma, copijs locuples, gloriā ampla, virtute honesta sit.

65. Licet autem multūm conducat finem humanę Politicę recte constituere Arist. 7. Pol. c. 2. quippe ad eum omnia instituta

omnium actiones, leges omnes referri oportet; non desunt tamen, qui in eo ponendo, dicente Aristotele d. l. errarunt, uti fuerunt Spartani & Cretenses, qui omnes suum institutum, omnesq; leges in suā Repub. ad rem militarem direxerunt.

66. Finis Externus secundarius est ἀνταρέχεια omnium, rerum affluentia. Oportet enim hujusmodi civitatem non solum vivere, sed etiam benè vivere, ideoq; & tantum necesse est suppetere fortunę apparatum, atq; quævis externa bona hactenus adesse, ut ad virtutum actiones nullum impedimentum objiciatur; sed rectè ac commodè obire eas singuli queant. 7. Pol. 1.

67. Dicitur autem hic finis Secundarius, quia à Politicā abesse potest sine ejus interitu. Siquidem Respubl. ordinatè administrari potest, licet multis infortunijs infestetur, prout ait D. Christ. Matth. disp. Pol. 1. th. 12.

68. Ut autem Politia ad prædictum finem perducatur, certa sunt à providā naturā ordinata media, quibus tota societas dirigatur. Illa media potissimum duo, Imperium & Subjectio. Sic ut enim diximus ipsam societatem civilem ipsius naturæ insinuatu factam esse; ita etiam media, quibus finem suum assequetur, à naturā constituta sunt.

69. Causæ Politices internæ sunt Materia & Forma.

70. Materia ex quā, propriissimè dicta materia, cum Politica sit habitus, hie nulla datur.

71. Materia in quā seu subjectum est duplex, Remotum & Propinquum.

72. Remotum sive denominationis est totus homo, quia ab hac prudentia dicitur homo Politicus vel Civilis lib. 1. Eth. Nic. c. 2.

73. Propinquum seu subjectum informationis est mens humana non quā contempñatur, sed quā agit.

74. Materia circa quam seu objectum est Civitas, in quam finis, quæ est Respubl. est introducenda 1. Oecon. c. 1.

75. Forma Politices, quæ à fine petitur, prout th. 24. invenimus, est ordinata applicatio finis (Reipub.) ad objectum (Civitatem) ut scilicet civitas per legitimam Reipub. administrationem, tanquam vitā & animā constituant & confirmetur, sive ut habeat oculum videntem, & aurem audientem.

76. Qui-

76. Quibus ita cognitis, methodus ulterior non erit ignoranda.

77. Sic dicimus Methodum analyticam hic servari debere, quod ut obtineamus, præsupponendum est ex Logicis nullum alium ordinem disciplinis practicis quam resolutivum, h.e. tam, in quo sit progressus à fine tanquam principio, ad objectum, & ad media, tanquam instrumenta per quæ finis in objectum introduci possit.

78. Media siquidem æstimanda & deducenda sunt ex fine, adeo ut de medijs nihil doceri queat, nisi præsupposito ac præcognito fine, unde Arist. 3. Ethic. 3. recte dixit, Consultationem omnem fieri ob finem propositum. Et 7. Eth. 8. finem in artibus esse principium. Hinc quod principij locum obtinet in quâvis disciplinâ primo loco explicandum est, ait Arist. 6. Metaph. at finis in Politicis est principium, ut diximus. Ergo ab eo auspicandum, & per consequens Politica Methodo analyticâ conscribenda erit, cum hæc à fine suo exordiatur, quod lex methodi analyticæ requirit.

79. nostrum hoc institutum exemplo ipsius Ethicæ in de-
cem lib. Nicom. (quâ nulla disciplina proprius ad Politicam ac-
cedit) declarari potest. Est autem Ethica Methodo analyticâ
proposita, cum à fine Summo Bono incipiat lib. 1. Eth. Nic. hinc
ad actiones humanas & virtutes velut media finem in sub-
iectum introducentia progrederiatur. Et lib. 10. s. ult.
cum Politicâ Ethicam arctissimè
conjungit.

